

明
詩
紀
事

明詩紀事

貴陽陳田輯

子鑑

聞啟祥

二首

啟祥字子將錢塘人萬厯壬子舉人有自娛齋集

靜志居詩話杭州先有讀書社倡自間孝廉子將張文學天生馮公子千秋盤餘杭三嚴後乃入於復社而登樓社繼之文必六朝詩必三唐彬彬盛矣田按子將沿襲公安頗涉俳體

雲棲晚歸原擬取道十八澗以多虎有戒心不果

禪林歸路晚遂伴且兼程殘雪消還在寒潮落復生望煙知郭近畏虎避山行忽忽辜清景還家意未平

過桐君山

訪舊桐江上扁舟此地過一山盤古木夾水送澄波風息帆
檣少潮平沙激多僧幽真可語其奈夕陽何

朱一是

十七首

一是字近修海甯人崇禎壬午舉人有爲可堂集

讀璽錄朱近修以詩文雄視一世作江上數峯圖潛
遠空濶怡人心目是李山顏寄余者曹子顧曰余與
近修同研席者二十年目未見其畫亂離之餘遊戲
爲之便自神詣近修有爲可齋集與古大家爭衡頗
有可傳者丁未夏過白門與余論畫語諸當行其集
中諸小記妙極形容頗有繪畫不能盡者顧菴又何
疑焉

明詩綜陸冰修云近修文名早擢述避地江東屈志
百里尤以才略見長歸欲披繙以老而從遊弟子力
強之說經因主文杜太邱之交道日廣州來之稿終
彌多古今詩不事矜鍊而詞采斐然五言如十暑杜
陵葛一寒范叔袍秋懸遊子夢日落異鄉山野火燒
山近寒星照水明山容初過雨水氣忽生秋淚以傷
時盡愁須醉日多僧厨三度臘客夢一歸鄉剪竹開

新徑因溪架小橋，青山寒照日黃。
溝瀾濃陰接樹平，妻子他鄉淚文章。
牧馬官同張萬歲，進賢賞並鄂千秋。
里風雨冬青十二陵，代北重關飛白雁。
黃花笛裏羌歌憐，折柳馬頭關樹但生榆。
韓擒虎智井春埋，張麗華三楚烽煙新幕府。
雨舊樓臺瀑布秋風搖，練影石梁新雨糝藤花。
響情鏘猶是歷下四溟敵手。
梅里詩輯孝廉負經濟，計偕入都欲上書言事而時
已不可爲矣。國變後遁逃海上，饑寒顛沛百折不回。
居吾里東偏，蒔桑種竹，顏其門曰十畝之間。時寓僧
廬，披緇衣講學，或勸之初不應，貞固之操恒於詩篇
見之。古今詩才情富麗，氣體雄秀。
明人詩鈔續集近修五七言律英英欲上響高而氣
華。

田按近修詩長於近體，七言調雄氣逸，尤爲到格。曾
師事梅村，其贈梅村有云：近時高華推四傑，邊徐何
李詞源決。山左更數白雪樓，江南莫如王弇州。弇州
梅村一梓里，後來者勝我袂起可知其淵源所自也。

夷門歌

虎狼吞併古所聞救趙卻秦成大勳平生結客魏公子激烈
豈爲平原君朱亥狗屠感意氣侯嬴老人識名義臨風刎頸
捐一軀赫赫精靈感天地恥不帝秦亦徒然蹈海虛傳魯仲
連

采菱曲

儂愛菱花香蕩槳水中央那知葉深處驚出兩鴛鴦

楊白花

青垂楊柳枝白吹楊柳花折枝猶在手花去落誰家

還過爲可堂卽事

四壁蕭條外平蕪卽戰場殷勤逢父老涕淚滿衣裳白日扃
荆戶青燐照草堂鶴鵲聊可息慙愧賦靈光

歸潛溪雜詠

喪亂人從老閭關道已窮有身慚故舊無淚哭英雄投筆心
仍苦登樓賦詎工歸來唯獨寐多病畏秋風

送袁重其歸吳門

詞賦西京起盛名歸舟到處有逢迎水平寶帶芙蓉落山老
靈巖橘柚生娃館月明寒夜色蘇臺木脫動秋聲鹿門亦在
空城裏坐對妻孥不問兵

維揚同社聽濤吟屬和

湖上邗關水氣雄重看女市萬燈紅春風楊柳興亡後宵月
樓臺隱見中四海弟兄長夜醉一時詞賦小山工不堪白首
天涯客年少猶憐我調同

北塞

居庸高望極龍沙野戍蕭條對日斜
代北重關飛白雁京西古鎮出黃花
穿河萬里猶秦塞絕漠三城自漢家
苦戰當年推衛霍秋風千載起悲笳

淮望

憑虛一望幾徘徊暮色輕煙萬里開
滄海遠帆多北轉黃河穿塞自南來
雲邊豐沛蟠龍氣樹裏彭城戲馬臺
澤國關山連二楚英雄遺略感羣才

登宣武門雜興

天際高臺越客登帝鄉極目彩雲興
關河秋色三千里風雨冬青十二陵
洛口赤眉金鼓動終南黃髮玉書徵
中原事業

需匡濟誰許純鱸慕季鷹

初入都雜賦

關門纔喜出騎兵誰問懸軍絕塞營上聖幾年臨便殿諸公
何日作長城衣冠南北愁分部烽火東西逼二京聞道哥舒
新報警潼關羽檄夜催征

溪上

溪上茅蘆水抱東薜蘿徑小少人通高低白雁秋雲裏開謝
黃花夜雨中夢友不辭千里遠著書獨對一庭空倚門愁望
平原樹萬葉蕭蕭下朔風

淳化嶺

淳化嶺前一度遊關門咫尺思悠悠山嵐山雨隨時變江草

江花向客愁月暗空城三閣夜霜寒古木六朝秋啾啾羣鳥
投村宿汗漫征車苦未休

當湖登弄珠樓遠眺同陸雯若

萬頃澄波百尺樓九龍迴繞戲珠遊地從天目分形秀水合
滄溟積氣浮挂席夜通三柳月開襟曉帶五湖秋眼中浩渺
情無極城市原來近十洲

春去

春去東風在何須更惜春還賴東風力吹回遠遊人

金陵送人入楚

秋江流水白紛紛不解留君但送君今日一尊吳地酒明朝
千里楚山雲

端陽

煙淨風微渚水清
龍舟羯鼓動哀聲
祗今楚國無三戶
還有遺民弔屈平

陸圻四首

圻字麗京一字景宣錢塘人貢生有威鳳堂集

今世說陸麗京度曲四劇薄遊武塘錢仲芳大集賓客卽令吳伶演唱新聲豔發絲竹轉清四座之間魂搖意深

漁洋詩話陸講山武林耆宿爲西泠十子之冠晚年遠遊不歸或云在嶺南爲僧名今龍或云隱五當爲道士終莫得而詳也洪昉思詩云君問西泠陸講山飄然一盃竟忘還乘雲或化孤飛鶴來往天台雁宕間

西陵十子詩選景宣經史論敘葆密淹通翰墨之勳先驅首路詩則綺麗爲宗符采昭爛雲津龍躍不厭才多

靜志居詩話崇禎間文社四起執牛耳者婁江張吉

士博也歲辛巳吉士卒麗京東芻絮酒往會葬賦五
言長律一時傳鈔以爲傑作兵後賣藥長安市上其
詩文采組六朝醫方酒令觸口悉成僮語饒飯令菜
捫蝨而談相對者忘其穢也晚因史禍牽連既得釋
訪澹公於丹霞精舍轉入武當爲道士不知所終
歸琦亭集講山先生與弟大行培並有盛名與其友
爲登樓社世稱爲西陵體乙酉之難大行里居自經
死講山匿海濱尋至越中復至福州薙髮爲僧母作
書趣之歸時尙崎嶇兵甲之間思得一當事去乃返
雅善醫藉以養親會莊鑑史事發詞連講山城繫按
察司獄久之事白得出貽書友人封還月旦不知所
之或言其在黃山子寅徒步入山長跪號泣請歸講
山曰昔者之歸以汝大母在今大母亡矣何所歸寅
請一歸祭墓乃從之旋往廣東丹霞山一夕遁去自
是莫能踪跡寅往來萬里負零丁求數歲卒不得竟
以是怆怆死時稱其孝子於姚江黃公家得見講山
所封還月旦之書甚自刻責以爲辱身對筵從此不
敢豫汐社之列嗚呼其亦可哀也夫
川按西陵十子理李何之陸緒矯鍾譚之顏波觀虎
臣自序首簡云三百而降厥體屢變根在情性緣以
文藻軌因代殊要歸雅則是故騷詞樂府長句胚胎
十九河梁五言堂構陳隋唐李則律絕締裕也然祖

構相沿折衷論定古風極於元嘉近製斷自大厯人
代更始卽下無譏抑何哉攷鏡五言氣質爲體俳儷
存古仰逮猶近劉亮爲工失之逾遠近體務竭情潤
求諧音節託興漢魏選材六朝意貫語融靡傷氣格
變調無取旁門益乖故武德而降難爲古元和而還
難爲近也又況宋習鄙鈍元音俚下藝林阨運者乎
明初四家掃除不盡廓清於何李再振於嘉隆斯道
嗣興斌乎大雅然七子顏流馴趨浮濫竟陵矯之枯
率猥淺尤惡斐然自餘紛紛無關商較者矣景宣諸
體勁健不及祖望藻麗不如去矜而當時推爲風雅
領袖豈不以名德足重有在言語文字之外者耶

臨平申包胥廟

申公祠廟俯寒汀
朱戟森森掩翠扃
秋入松杉偏慘淡
夜深燈火自晶熒
山迴石鼓蒼雲斷
水漲東湖草色青
向晚茫茫空雪涕
不知何處是秦庭

客愁

瘴癘天邊幾度春
長安西望淚沾巾
趙王臺上珠如月
誰復裝金贈漢臣

河濱春行

十里晴溪芳草斜
梅花落盡見桃花
不知春色來何處
遙指江粧出浣紗

秋夜聽潘生歌

樽前歌罷總銷魂
把酒空沾涕淚痕
纔向人間聞禁曲
秋風先到故侯門

卓人月 二首

人月字珂月仁和人貢生有蟾臺藻淵等集

池北偶談武林卓珂月崇正初作千字大人頌錯綜成章甚有理致

秦淮竹枝

兩岸高樓倚白榆樓頭人面映蝦鬚
雨絲風片有時有雲黛
煙幾無日無

東吳竹枝

光福楊梅血色斑洞庭茭實八珠環
天生兩種堪銷夏何必
吳王消夏灣

夏綰

七首

綰字雪子嘉善人天啟諸生有西泠雜摩孤望三集
稿李詩繫雪子詩早務纖豔既悔之漸趨空淡一派
至南中夢遊諸作與削蒼涼點染特絕妙句尤多風
調有竹枝縹緲之音

夢同錢彥林遊雞足山亦猶盧綸同吉中孚夢桃源也

因賦

步步焚香燈百里皆禪窟
懸巖縛瘦屋高下隨山椒有如巢
林羽一一縵寒條客子脫青笠
隨意挂僧瓢飯宿無前期但
望風旛飄松杉響今古蟲鳥號
晨宵梵唄出澗壑鐘鼓過亭
橋如何繁音會聽之增寂寥
曹溪一夜雨流沫復如潮

至滇幕寄答扈正大師

白浪青厓處處愁無端萬里卻來遊
遠心自欲投雞足禿筆
非真羨虎頭海際孤萍來澤國
天邊一髮到梁州歸來還約
師同住閱盡花開共水流

昆明女兒歌二首

皂笠遮紗裹額雲猩紅小襖
燄如焚爲嫌鞋齒頻兜襪高曳

織花綉蜨裙

鸚鵡新雛不肯籠
但將梳掠鬪春風
朝來粉頰微添白
卻點雙鬟瑟瑟紅

南中曲三首

盡說哀牢漢不如
江珠片片碎芙蓉
竹枝近譜蘆笙曲
木夾遙傳貝葉書

不數閼支北地能
女酋騰騎疾於鷹
繡旗閃陣朝擒賊
錦燈遮燈夜供僧

小小螺山亦破鞵
青青草海卻通鐔
波燃白火招漁舶
路撲紅塵趁虎街

趙韓一首

韓字退之平湖人國子監生有權言蠟言蕉言

田按敗頑間竟陵之說甚行家矜牛鬼人詫蛇神奇
波余錄則梁詩了知年命促姑妄話神仙猶見解脫
退之詩孤主河山如玉注羣公門戶自金湯特自警
策警拾金於恆河也

送馮茂遠北遊

知君邱壑意中多客路風塵奈若何我是長門愁怨女慙慙

勸爾畫雙蛾

韓曾駒 四首

曾駒字人穀後更名顯德烏程人諸生有悟雪齋集

吳興詩存人穀甲申後棄諸生棲遲庚村以老

田具詩用王荆公韻

耕牛

春耕雨一犁蹏涿水滴滴夏畦病炎歊早耕日未出秋穡策
元勳快此萬寶實相齊而商歌我耕非汝匹

耨鋤

勿用曲如鉤亦勿學劍直雖以柄授人利器不可得田疇閱
廢興斯物無因革陳涉晉亡秦以此代鋒鏑

牧笛

青草煖茸茸知是牛眠地牛歸依夕陽背上生秋吹吹萬此
其一人牛俱適意丁男揮汗鋤輟耕羨童穉

錢鋪

執器問老農不辨錢與鋪鐵官久失職磨厚使之薄一冶別

名象利用在除惡悟此艱難中無逸可無作

韓繹祖 六首

繹祖字茂貽烏程人諸生與總兵金有鑑等起兵復
湖州兵敗匿僧舍見伶人衣冠上場大慟而絕有詠
性堂遺稿

田按茂貽與總兵金有鑑推官戴重貢生潘國瓚諸
生王光祉布衣蔡亢心王元震起兵據湖州府城兵
敗有鑑國瓚光祉亢心元震死之重中箭洞腰膂歸
鴈阿山傷發死茂貽避匿僧舍一日偶見伶人衣冠
上場大痛而絕

宮怨

獨倚長門望寒鴟影又斜何人承雨露對爾惜年華薄命霜
前葉新恩鏡裏花知憐玉階草無分過香車

九日病起

策步及新晴天高野水平醉餘成小隱睡足勝長生林密行
無影雲空過有聲東籬時在望誰可對秋英

揚州哭史督輔老師墓

權臣內擅外強藩來往江淮一旅屯馬革空留酬義骨龍髯
追從鑒忠魂運移諸葛終無效力盡睢陽又絕援夢裏旌旗
催北渡孤墳何不葬中原

寄鳩茲沈崑銅

鉤黨餘生賴鬼神士生斯世正逢辰誰當魯國眞男子尙有
荆卿舊酒人老去文章多磊落亂餘肝膽益輪囷花前雁後
年年侶鄭重相思切主臣

寄林確齋

英雄今古亦何憑
廣武城荒孰再登
壯士歌空悲易水
真人氣久望春陵
私將痛哭留天地
恐發狂言累友朋
京國飄零餘落日
青峰江上自層層

晚秋臥病雪巖寄懷諸同志

十年戎馬脫重關
霜雪初寒客少衣
患難投人雄氣盡
笑言隨眾苦心違
挽回潰海真無策
流落名山亦當歸
劇孟原嘗皆已盡
西風蕭瑟掩柴扉

陳梁一首

梁字則梁海鹽人有竟園詩命者
舊沅筆池藏稿个
亭集

病

携李詩繁則梁年十八暇依蓮池大師法名廣籍未
幾走長安上書不用晚年無意於世自稱散木子有
菟園詩人稱菟園公有侑者菑泥筆池藏稿或稱俞
者山翁亦稱泥公甲申後造庵居之稱个亭和尚自
題其墓曰生無愧怍去無牽纏其聯云與爾同龕枕
米汁至今孤塚有梅花有个亭集為文光怪崛特奇
不可句而事必準古言足垂世詩亦如之評者謂其
如湘川亂雲我眉殘雪知言哉

人病心尤靜天晴竹更妍想唯棋客至妙得酒方傳塞寶憂
風仄推窗喜月圓了知年命促姑妄話神仙

錢士馨

一首

士馨一名𠮟字稚拙又字稚農平湖人貢生有廐笻

集

靜志居詩話稚農入燕遇寇變著甲申傳信錄十卷
頗不失實平生賦詩無多能遠時習

構李詩繫士馨入南雍見知於吳梅村尋入燕公卿
爭欲客士馨士馨久而厭薄之人漸目為狂生賊犯
京中允李明睿密請南遷士馨私謁之泣曰賊盡得
秦隴盡夜行四五百里倘繞出畿南以犯警蹕公將
何辭以謝天下李慙懼又曰不知死守以待勤王之
兵先遣太子南行以繫人望李難之及京城陷士馨
匿迹樵林竄於兵戎禍亂之中每多憂悵感憤發為
文章後常往來河朔間盡交其豪傑偶偕五人至慶
陽薄暮微雨五虎躍出士馨曰不盡殺何以見諸君
勇力乃人發一矢當者立斃一少年矢貫虎額尺許
虎入林莽中追割其舌以報至旅店縱飲獨不與少
年酒責之曰發矢不中要害不足多也後奔走無所
成自策其騷賦詩文曰廣旂集別著甲乙圖書一卷
古文易二卷續越絕書二卷曹國志二卷風略一卷
咸陟外乘一卷傳信錄十卷三餘贅事一卷魯國通
表十卷士馨輕財好客工古文詞兼精書畫每泐掌
古今必縱橫數千言卒至窮老以死亦可哀已

漫興

水落波平菡萏稀玉河銀溜冷斜暉幾回雁字來沙漠每見

熊旗出帝畿冀北梧桐還乍脫江南鱸膾又空肥砧聲未聽
敲窮巷早有微風侵葛衣

李寅 二首

寅字寅生一字曉令嘉興人諸生有視彼亭詩魚鳴

草

明人詩鈔續集曉令於明詩人嗜大復昌穀兩家若
太倉厯下諸公則日姑舍是蓋矯七子之派變而得
其正者

詠史

炎運既淪頽海內蕩無紀譏邪日高張君子道終否於時穎
川彥偉哉得元禮荀陳互師友郭賈實知己龍門一何峻模
楷天下士疾惡意若讐獎賢時借齒名高怨益深黨禍從茲

起元黃遽紛爭黑白誰見理苟爽諷自全鄉人亦云爾剛腸
竟不移抗節心所矢不惜遲暮年慷慨輕一死豈伊喆人亡
所嗟大厦圯遙遙千載餘烈烈光遺史撫卷仰風裁儼焉當
御李

曹家灘後夜泊平望有感

大吹寒塘寂漁歌次第生遣愁明月好多難故園輕野曠林
無影天空雁有聲風波今夜少差息旅魂驚

俞汝言

三首

汝言字右吉秀水人諸生有大滌山房集

馮李詩繫右吉身矮善談詡爲諸生不遇國初葉
舉子業自稱漸川遺民遊燕趙韓魏宋衛閩粵之鄉
越雲中雁門歸而閉戶著述篇帙之富近代學人莫
與抗衡者

靜志居詩話右吉早著名於復社其文氣逸格高詩亦文華中有真實

井陘道中

東馬嶸崎道路艱驅猶是漢家山懸流苔洗將軍壘落日
煙封娘子關垂黍秋田辭戰伐橫碑古澗費追攀兩看旅雁
遶江北自愧征衫不暫閒

大名九日

搔首中原去雁號帝邱景物倍蕭騷愁歛白帽清霜逼風捲
黃河濁浪高在野樓臺臨大澤摩天鵬鶚見秋毫射熊戲馬
何年事問道漁陽羽騎勞

鄴中懷古

漳河清濁太行東此地曾聞霸業隆川岳無心悲鼓角邱原

何處問英雄
鬪雞關馬興亡外
冰井銅臺涕淚中
獨有聲波雲表立
鈴音獨語向西風

邢鴻孫一首

鴻孫字奕遠紹興山陰人

懊儂歌

雙鴛隔雙羣
織緋一百罽
兩月不成匹

明詩紀事

貴陽陳田輯



萬時華十三首

時華字茂先南昌人崇禎中徵士有漚園東湖二集

黎遂球蓮鬢閣集茂先五言古出入陶謝七言律猶

婉清麗如溫飛卿李商隱

西江詩話崇禎末詔舉堪守令者茂先應徵北上抵

邦江病劇粵東黎美周廣陵鄭超宗舟徑造茂先

喜甚猶賦詩云病逢勛倍藥快聚夜頻觴臨沒口占

二截半世殘書裏關門坐小樓虞卿是何物不了著

書愁窮通真偶爾來去亦翛然我愛裴中令虛空不

凝禪從容危坐而卒茂先詩尤工五言其氣深厚其

姿淡逸

徐世溥榆溪逸稿詩人萬茂先其言精美溫潤體備

氣韻

田按茂先田居詩陳士業舒伯言亟稱之集中七律

辛籤卷二十四

清婉劉亮尤爲獨絕

歲暮田居

有引 錄四

負疴中田歲律云暮時謝賓遊以親妙藥旁視四壁
忽忽意動吟咏遂生積五日得二十首詩不云乎獨
寐寤言余之謂矣

幽居念疇昔日月忽已今無論悲與歡事事勞寸心宇宙一
泡幻謗譽隨升沈誰識道旁牧慨慷揮黃金復思隆中叟三
十逢知音高臥北堂上羞同梁父吟

獨處行易悲我反甘茲獨出門語嘿乖聊此愼榮辱歷覽貧
士傳幸同古賢躋薄暮何所懷凌風倚修竹

陶公有清怨含意獨不歡枕席陪千載耳目皆悲端眾但慕

高節此意終不傳古壁照燈影破爐生暮寒孤憤託尙友撫
几流長嘆

張廌隱深竹仲蔚樂長蒿風塵昧至性幽翳良自逃宅東有
高畝負甓聊周遭左渠帶長川蒼然山氣遙卜築暫云始綺
季徐可招榆柳前後列蔬蔓縱橫交長揖謂園叟開春護新
條小人學爲圃飛鳥營其巢

夕佳樓

朝登北城風怒號沙飛十丈寒雲高春鴻欲歸呼其曹樓頭
歌管聲嘈嘈此地管絃朝復夕父老經過多太息城中少年
那復知云是當年僕公室僕公生長自邊塵百花洲畔吟餘
春秋風五桂散遙馥兄弟出入皆朱輪潮陽歸來遍紅巾翰

林樹幟城東門堞摧櫓折鼓聲死清池湛湛哀魂從者妻
子十一人葬者道士陳白雲東風花開鎖空宅狐啼鼠竄無
朝昏僕家之樓夕佳額滄桑轉眼悲行陌凭闌風物誰獨存
章流靜照西山色城邊擊鼓白日低明月光中烏夜啼遊人
醉舞公獨悲霜天客散颺朱旗一朝幸遇李夫子爲汝拂拭
揚鬢眉樓頭歌舞如昔時樓下木主公安之南州一片中華
土節義鼎鼎亘今古後來孫許氣如虹日月河山共吞吐中
原寇馬今復馳江南江北多鼓輦公排帝閭叫閭闔爲我擊
賊綬蒸黎

西江志僕家樓元末僕列篋闔門死難有司徒其樓
於西北城角以旌忠烈萬歷間更名夕佳樓

春日張立逸竹雪齋同朱鬱儀張曼胥胡實美戴大圓

李雲將各賦

七子林中約依然竹下盟疏煙宜弱柳輕雨溫春鶯大業千秋社偏師五字城杜陵花事好今日慰平生

清涼臺懷古

高臺同一望人照夕陽多豐鎬餘亭榭陳隋舊綺羅美人曾玉樹衰草失銅駝怪得當時鳥城邊喚奈何

過秦園理雲將遺集懷然有作

千遍題詩百舉觴昔時風雨共閒房藤陰尙覆攤書屋樹影空搖看竹床憶數春花紅在樹或眠秋簟碧爲廊相如狼籍多餘草寂寞文園位武皇

下第送芑孫之蕪江兼訊崑銅諸子

淚盡蘋花不自由與君同恨別孤舟
貧多去國家難問賤欲嫌身客未休
月照離魂生古岸霜催寒信入輕裘
尤憐脫劍逢知己江南江北處處愁

與黎美周徐巨源飲喻京子孟瑤光昆仲三洲亭夜汎舟于湖有作

共選晴湖泛綠莎三洲亭向午餘過詩情入韻多
因柳酒氣分香半雜荷島嶼斜連疑海近樓臺深隱覺山多
知君近訪林逋宅疏影梅魂近若何

美周來自西湖

吏隱亭

橋水東西孺子鄰當年仕隱各全身
龍蛇今古孤亭晚桃李晴陰萬井春
大漢冰霜留氣韻重湖煙月照精神
因君敢慢

今時尉簿領趨馳或有人

孺子祠

舊宅曾聞傍水濱
祠堂古岸照嶙峋
五陵樹已迷狐兔
一榻香猶薦藻蘋
意氣何人傾赤社
英雄滿地兆黃巾
當年龍戰終多事
千古冥鴻屬外臣

述懷

芙蓉萬樹照晨梳
短髮蕭蕭愧不如
老圃東家堪作伴
些衫蓬鬢帶花鋤

觀別

芙蓉無態颭寒波
只爲空江別怨多
欲識滿汀離別意
亂煙絲雨奈卿何

馬猶龍

八首

猶龍字季房廬陵人有洛如館集

蕭士瑋蕭齋日紀馬季房語余云近人之詩蕪音最多切響甚少何也余謂律細格老與年俱進皮毛脫落乃見其實虞畜良馬初不令其跳躑每夜必繫其銜勒不容親水草旬餘浮臙盡消筋力怒張日馳數百里不倦餓渴不能爲之困作詩而多蕪音累氣皆由浮臙未盡耳

書影蕭伯玉云馬季房詩黃茆白霧三千嶂瘦馬單衫十八盤林陵舊院繡幕鶯花三月雨畫梁燕語六朝春故自佳

愚山集季房嘗夢誌公啖以乾松香氣猶在口遂棄制科業一意談無生然任達飲酒輒醉臥閒遊金陵吳越及嶺海皆以詩自娛清新可誦

西江詩話季房洛如館集宣城施愚山捐俸錢板毘陵楊太史大鯤詩云廬陵詩人馬季房花片遊絲落腕長又云君看洛館存遺草待得西湖使者傳愚山時爲湖西憲副也

田按季房詩清音亮節如豪竹哀絲聽之令人意爽

雪夜宿甯國寺

雪深林際寺蕭瑟動寒松言尋上方侶頗諧塵外蹤
暝痕銷霧薄履跡破苔封野園鳥雀亂行人曠未逢
忘言永今夕僧起叩寒鐘

過青原清幽谷

山重水複谷名愚一筇一屐吾與俱過溪二十四道殊一一
坐石聽笙竽碧篠黃花生石膚青青寒蔓水中蒲深潭皎潔
明鬢鬢沁入心脾照骨癭且復與君立須臾摩挲雜樹辨根
株丹林秋燒引崎嶇空山沙迹走麝麋清幽僧舍隱如孤雲
竇寒泉瀉入厨芋魁瑩滑如玉腴山薑野菌當園蔬青山白
雲道不孤世人欲覓無其途誰爲後來繼我乎林深蘿合鳥

相呼

信州水巖艤舟登飛雲閣

似是桃源道頻通漁父船蓮花披石秀雲錦照川妍

江中有蓮花雲

錦壁合空遺蛻丹封不記年瓊田鶴駕杳故物爲誰傳

過寶龍寺

幽蘭香一室老柏翠當門春信經年隔燈花昨夜繁清池開
白曉新月帶黃昏猶有營巢燕銜泥認舊痕

蘆林菴贈石照師

蘆林雖一宿已作數年期泉真鼓三疊峯猶憶九奇茶香通
活火菊老暎疏籬欲析無疑義支公別有思

武功山二首

知坐茅菴翠幾層
冷猿遙挂一枝藤
白雲峯頂千秋月
夜夜寒光照定僧

獨有空林出梵音
愛山不覺住山深
閒來欲問齊雲路
落葉蕭蕭不可尋

安成石屋觀周日培新構草堂

松堂人靜晚煙稠
樹古雲龍小洞幽
獨倚曲闌看翠滴
不知山色在高樓

徐世溥 十三首

世溥字巨源
新建人
侍郎良彥子
崇禎時諸生
有榆

溪詩鈔二卷
逸詩二卷

方以智浮山集巨源天姿過人出以易直下筆馳驟
秦漢唐宋惟取其氣在我舒卷

西坡類稿余到南州三載求徐巨源文翰甚渴自陳伯璣所刻榆溪集外即片紙不可得今春聞羅飯牛誦巨源贈詩云雲山已是無常主更寫雲山賣與誰又云記得扁舟初過訪草堂門外水齊天令人諷嘆不已

田按巨源文學昌黎有酷肖者詩丰神成削有疏竹幽花之致身遭亂離憔悴哀吟中有不堪卒讀者晚歲遇盜而死哀哉

初夏苦雨毛浚明潛夫置酒寓樓

羣峯如主人日對樓中客客寓復幾時又見荒草碧嗟峨好
鬢髮倚天蒼翠滴當其雲雷蒸縷帶迷咫尺豈不愛奇觀孤
懷難達夕我心如青山欲雨便頭白一觴可晤言所以資酒
德

丹陵觀

余寓齊源寓東不數百步為丹陵觀址村巫家其西

偏觀有田及山並南唐齊王李景遠所施齊源之爲
齊以此也朝代漸更林莊漫滅齊王像亦移入旁小
庵矣惜其無文采賓客故編史靡得而詳作丹陵觀
詩用表源之所由名焉

觀廢巫仍宅黃冠似肯堂谷雲虛象袞澗水尙如簪比屋通
雞犬單籬狎虎狼淮南有鴻烈應不忘南唐

初夏

不復論時節閒中候自明棟花風送衿瓜蔓水通耕輟草成
跡坐微泥得緩行綠陰如夢裏喚醒有啼鶯

人日送陳元水之金陵

正是東風七日天草堂薄醉又經年雪分浦色初知岸晴破

江寒未散煙鐵騎頻關孤驛夢金陵好寄遠遊篇蒼茫詩思
斜陽裏無限離愁付短弦

萬里長所居

溪上芙蓉照板扉澄流激激瀨濺荷衣鴈鵠得食排沙睡翡翠
銜魚掠水飛樵唱不知人在谷漁歌真令客忘歸山中明媚
看如此忍令波光趁落暉

過舒子山山莊賦別

爲愛騷人靜可羣檐暉涵碧漾苔紋遙同側帽吟移影近佐
支鐺煮佛雲山鬼聽琴篁際伏林猿擲果夜深聞奇峯香靄
平分取留得秋光讓與君

山莊寄懷石莊博菴

老得山居足自由
晴窗飯罷未梳頭
燕窺簾捲街泥返
書被風掀帶葉收
小倦課奴尋藥種
乘酣信步似春游
惟嫌離索違同調
每一花開憶獻酬

三月二日同謝聖虞訪拙公并爲公定菴名

久淹冰雪閉游面
直到花時禮燕龕
春草屐憑康樂引
暮雲心向惠休參
難逢土已重三會
新得嘉名百一菴
歸路催詩煙柳潤
仙壇斜雨共氤氲

春詞

不飲已如醉濛濛
況日斜遠鐘殘夢後
酒氣似梅花

辛未春中逢晏山人彈陽關操

一別麻源酒幾傾
支離已見二毛生
十年風雨陽關曲
今日

重間第四聲

書桃源圖

落英芳草閉桑麻客到驚聞世代賒
津路早知紅樹引秦人應梅種桃花

初秋江上聞笛有懷同社諸子

似在天涯似比隣若爲縹緲訴情親
西風一夜江湖白處處蘋花惱殺人

看晚穫值守齋上人經過卻寄香城諸師

又逢秋熟客愁增爲羨高空萬念冰
三十九舉霜月滿閉門便是六朝僧

余正垣

一首

正垣字小星南昌人副使曰德孫貢生授主簿有昔

邪園集

田按徐巨源作南州四子傳四子者劉斯陞士雲李奇平叔鄧履中左之余正垣小星也四子皆能詩余遍搜遺集僅得小星平叔詩二子無傳焉附見名字於此

豔曲

花氣和香煖風絲伴帶長凭欄呼小婢莫去繡鴛鴦

王猷定

十首

猷定字于一南昌人貢生有四照堂集

韓程愈集千一身長八尺貌魁梧意氣豁如議論風發談天下事如觀手中菴摩羅果纖細舉似不失毛髮為文猖狂恣肆隨筆所如無不深合理道天資善書臨池之技可以籠鶩客揚十餘載所交客滿寰區而梁公述史蘧菴最其所善時或飲酒涕泗并下其亦所感者深也

靜志居詩話于一以詩古文詞自負對客斬斷講論
每舉一事輒原其本末聽之齊心蓋兼有筆札喉舌
之妙者其行書楷法亦自通神
王暉今世說于一遭亂居廣陵窮愁著書力追大雅
海內能文之士翕然推之客死西湖篇帙散失大梁
周司農刻其遺稿行世
田汝于一詩騷情古意跌宕蕭寥五律一體尤哀咽
動人

螺川早發

月落秋山曉城頭鼓角停長江流剩夢孤棹撥殘星露溼鷗
衣白天光雁字青蒼茫回首望海岳一孤亭

泊舟揚子橋

韞韞風濤外閒心寄沈寥馬嘶黃葉岸人急暮江潮塔影眠
寒水谿聲走斷橋夢中敲古缶長憶廣陵簫

反揚州喜晤孫無言

卻訝秋還在蕭條滿目非江山千騎暗城郭一人歸見子南
冠淚猶驚楚客衣庭花何爛漫寂寞伴伊威

阜城

莫問祖龍繼稽琴亦不聞智愚千載事今古一谿雲寒鴉啼
荒井梟狐嘯野墳往來多涕淚幾誦蕪城文

誕日口號

母逝悲今日吾衰憶昔年眼昏雙淚後髮白五更前狐嶺橫
兵甲龍塘買墓田夢回先訓在嗚咽蓼莪篇

登燕子磯

來問草堂寺初鐘已度橋人煙屯石港漁火上江湖野戍重
關靜王畿設險遙憑高天萬里僧影共蕭蕭

贈某上人

僧來方臥病老去復逢春
煮藥妨茶竈挑燈問海濱
琉璃能悟性翡翠不謀身
剡詩名好還娛白髮人

贈王雪樵先生

黃流厭聽莫聽冰古路隄河細似繩
愁過客邊新蜡臘淚多
家傍舊園陵夔州以後論工部
凝碧歸來識右丞
誰說渡江東
晉事太原風概自稜稜

聽柳敬亭說史

英雄頭肯向人低
長把山河當滑稽
一曲景陽岡上事
門前流水夕陽西

青來爲公狄畫鶴令圖口占絕句

一鳥哀鳴訴九州斷雲落日動荒邱知君能寫飛鳴意難寫
無聲地下愁

李奇一首

奇字平叔新建諸生

榆溪逸稿劉士雲有所遊平叔爲詩送之不得驚人
句乃作送士雲遊蜀詩一時傳誦以爲李賀復生士
雲非遊蜀也乃故誤其題以就其佳句耳平叔爲文
非面如土色不止卒以瘵死

夕佳樓晚眺

平楚蒼蒼歸雁驚葳蕤芳草傍寒生天隨野色低春岸雨帶
江帆隱暮城石壁遙將孤影落遠山微透數峯明卻開蘿徑
遲明月渺望煙波祇一泓

舒忠諫一首

忠謹字魯直進賢人修撰芬孫崇禎庚午舉人

劉綖墓

石馬陰嘶霜葉飛
靈風陣陣捲斜暉
傷心馬革無歸日
萬里招魂葬蟒衣

湯開先 二首

開先字季雲臨川人知縣顯祖子有潭庵集

江西詩話季雲喜爲詩少慕徐文長後嘗鍾譚常因作十燈題舉友夏照殘身益幻看定妄難生之句以爲妙絕季雲詩傳平叔序而傳之稱其哀國篇雄深慷慨似怯少陵惜亡其稿而又以乙酉後流離隱約變徵之聲皆不復可得爲惜云

百花塔

塔在百花中花紅塔亦紅
欄杆鶯報午鈴鐸鳥呼風
野火將

燒佛天香欲滿空至今洲上草金碧映芳叢

登青雲峰

選勝無如此地登頓令暑思冷於冰閒雲來去常如客亂石
縱橫不礙僧寥廓入秋聲每應孤高得我氣相凌祠前古木
斯人在任爾頽闌一曲凭

陳畫一首

畫字惟易金谿人諸生有雜言

江西詩徵惟易讀畫躬行尤邃於易爲艾子于所稱

山泉歌

左泉右泉照山影入山出山聽泉音遠山縹青近山碧大泉
鐘鼓細泉琴泉上衣雲天女侍山下冷風仙梵吟無生鄉在

山泉裏欲問蓮池深更深

明詩紀事

貴陽陳田輯

王鑑

于奕正 五首

奕正初名繼魯字司直宛平諸生有樸草

詩觀司直詩清真澹雅迥絕塵俗

靜志居詩話司直好古嘗集天下金石志雖未詳核亦足繼東陽王象之書其詩南學於楚然燕趙之風骨尙存

田按司直與劉侗著帝京景物畧遊白門將續著南京景物畧書未成而卒崇禎丙子元日讀史得陸士衡傳卒年四十三以爲亡讖已而果然年亦四十三也詩學竟陵清韻鏗然蓋彼法之錚錚者

從戒壇至淩碧峯下

一峯聳奇秀數里引人行石碎不受履下步聲鏗鏗路幽境

度換蒼翠難定名深洞隈秋陽峭壁挂飛甍寂不聞眾響萬壑自成聲巖下坐老衲古澹含山情歸去失前徑處處暮雲生

雨宿潭柘

山空不易眠忽聽千峯雨洶湧欲崩屋與山相吞吐百千萬億聲奇詭不可數淅淅阻遊屐起坐窺鬻宇凌晨急啟扉雨細不溼土乃省夜來聲風葉交相舞

白門初尋無補

別君歲辛未寒暑今三往昨歲寄我書云宅秦淮上薄竹影草堂天地此中廣我來挂秋帆江梅照兩漿登堂不暇揖汲汲話今曩我游君暫居各受山水養拜手告遊情導我踏空

期

清明高粱橋同顧子尹王敬哉遇雨

霽煙護柳陰茫茫沙塵影斷間溪香沿溪來往人遊冶人聲
齊向溪中寫歌不能停酒欲空奔壘理策心匆匆

李卓吾墓

此翁千古在疑佛又疑魔未效鴻冥去其如龍亢何書焚焚
不盡老苦苦無多

卓吾晚年著書名老苦

潞水年年嘯長留君浩歌

喜葛震甫歸自固陵

冬聞君始出意外得君回轡滿松高雪衣香江上梅見遲增
別緒遊老健詩才款款青溪上古今懷抱開

王袞

七首

袞字補之一字幼迂益都人貢生有四雖軒慧業軒

二集

榆墩逸稿今之能詩者才人則益都王補之其言超
忽英麗風起霞變

田按袞之名在復社詩格斬新不落當時成派大滴
水盛一篇有王川子之風

送家兄北上

青汕六尺車中有千里道祖席秋風園清晨自冀埽豈不念
弟兄國圖暱邇好出處各有期振名惡草草衰門望寵光窮
檐待襁褓國論在今日羣谷走秋潦富貴何足言竹帛真可
寶

大滴水巖

天公訶鬼鞭鯨鯢鳩嵐底霧爲雄城上削千仞露弄鰲旁旋

一山開掀錦君看巖鎮上注水此豈有物相搏攫乃知東歸
及潤下山儒之說談何輕黃琮白琥墮破碎衝牙雜珮行敲
鏗茅檐滴溜見簌簌糟床瀉酒聞丁丁千尺下屯油黝綠一
畝不動天清明賞去徑須買茗具汲不悔來攜瓶罍猶訝鐵
削無寸土走松攫檜相挈爭冬卉縱枯香可認得非射干與
杜蘅匹鳬儻鷺各唼喋素鱸文魴恣逢迎人間勝絕自卻擲
留與魚鳥爲登閣王維鄭虔骨已朽倩誰貌此歸宗生嵌巖
題句欲紀勝千塗萬竄終庸平山川奇麗詩羸拙山靈定自
嘲我僮以茲俯臨不敢照正恐塵土黷惇泓乃聞貴遊將築
第鳴鑼呵道松蘿驚無論猿鶴解拒客名朝利市終牽縈我
今不來戀底物逝將買此開柴荆村農少械正足友坂田雖

瘠猶堪耕文杏歷泃清可鑒靈柿醉酒甘難名松柴半日斫
成硃石屋千錢齎爲蜚若須成名訖婚嫁何異坐俟河之清

午睡

檣床湘竹細鈎幔越羅輕枕畔殘書墜孟邊渴鼠行堂虛煙
正直心靜夢分明莫報閒書札吾方稅赤城

幽亭

亂葉結幽亭仙當四面青溪連寒靄汲門共野雲肩剩擁書
千卷寧須帶萬釘匡牀過馴鹿機事已全冥

愁

閱盡浮生曲折愁拌將百念放歸休虛名與夢觀何異徂歲
如駒挽不留天上有方期鍊骨人間無地與埋憂功名碌碌

尋常事猶恐無兒似鄧攸

送唐右文留都地官

候吏江邊炬火迎征帆齊指秣陵城曉趨畫省踏花去夜泛清溪載鶴行燕子磯頭潮未落謝公墩上月初生可憐高髻長干女一曲吳歌惱客情

一
廵思

稷卨期身事本賒休哉歸去理煙霞倦遊寧復期千里漸老徒思著一家人似右軍惟種果業如鴻漸但名茶明時隱退誠何有譬損恒河一粒沙

嚴首昇

四首

首昇字平子華容人崇禎中拔貢鼎革後削髮爲僧

有瀨園集二十卷

田按平子論明詩推李空同徐青藤湯義仍不許與竟陵而所作乃與竟陵無殊惟七律音節嘹唳曾入復社與孫孟樸通聲氣集中有上某尙書一書卽楊文弱也祇斥甚力可謂公論而鄧湘皋謂武陵受謗由瀨園一札矯誣無端夫武陵之惡天下共知豈待瀨園一札湘皋之論亦鄉曲阿好之私而已

石頭菴

到岸江河永朦朧山可登更乘未落月去訪旣眠僧方丈存
雞犬柴門補樹藤回看舟在下塵市總峻嶒

下第

寥落風塵獻策頻金裘何地不西秦門垣半圯疑塗突兒女
相憐似故人世亂一身歸已足年豐百指計猶貧還家下第
如登第親舊填門過一旬

種菊

墾山芋栗舊盈廊更插籬間菊數行
萸萸客應知冒雨苗移人已意重陽
從今賜姓非陶氏共爾長年到雪堂
家在石門天半裏不須九日問高岡

孟倫壻爲予築室山中每至則招故人小集

終慙轍迹與人同谷口頻來意始同
無幾親知投世外有緣兒女嫁山中
衲衣久久皆諧俗竹杖徐徐欲御風
似此行窩便徙宅不煩迎送娛兒童

莊祖誼 三首

祖誼字宜穉成都人

靜志居詩話全蜀入復社者八人宜穉詩名特著惜
流傳無幾

岑公洞

詰曲巖前路欹斜洞口碑瀑飛千尺雪雲養萬年芝虛谷樵
相答危竈月倒垂到來幽絕地乍可脫塵羈

甲午除夕

丙夜平頭近燭光誦誦苦語訊行藏花筇雪舫奚生計翠管
銀餅幾拍張去日已驅九下坂來朝更值偶登場綺疏曲朶
紅泥煖卻拍誰家柏葉觴

九日雨花臺懷古

雨花臺畔踏秋行懷古登高雜感生六代尙餘衰草色三山
猶枕大江聲祖龍黯黯藏金氣泥馬虛無化石城搖落不堪
頻悵望夕陽殘笛總關情

趙士喆十二首

士喆字伯潛掖人貢生鄉人私諡文潛先生有觀物

齋詩東山詩外

壽音集西樵曰文潛詩瀏灠頓挫頗宗少陵古今諸
體淵源並遠其放筆坦縱時近蘇陸要是豪人本色
至道海大節近拔謝鄭遠姬夷齊余挽文潛詩云縱
使魂兮化朱鳥也應獨食首山薇蓋執鞭之願於此
在矣
漁洋詩話伯潛甲申後避兵登州之松椒山遂不歸
與弟子董樵耦耕海上著石室談詩建文年譜遼宮
詞若干卷弟士亮士冕皆能詩
靜志居詩話伯潛倡山左大社以應復社捍鄉里之
牧圉效信國之集句嘗創稿縱談天下事思上之朝
見陳啟新用事恥之不果顛沛終老殆臨江節士扶
風豪士之流

詠懷

磨刀苦不利刀利傷人指締恩苦不濃恩濃爲怨始獨坐悅

然嘆命駕適都里都里何續紛裙屐遊閒子握手惠若蘭目
笑語以耳相得詎不歡達人悲所止甯知君子心澹澹如明
水

詠懷 五平

陽春風初和驅車游皇州平原明朝輝層城如雲浮高楊綠
長川丹霞棲瓊樓驪駒誰家郎翩翩臨清流雕弓飛金丸銀
鞍懸吳鉤從禽平陵東還歸倡家游胡姬顏如花琅玕爲搔
頭留君調新聲哀歌彈箜篌清宵華燈張輝煌羅衾稠人生
當爲歡誰能長憂愁嗟嗟元經儒窮年無時休

哭徐行吾

造化如小兒修短紛相錯賢人構龍蛇君子爲猿鶴里中書

信來使我悲且愕我知君夙心化去如解縛所悲道義交筆
硯從總角夜來忽夢君落魄猶如昨方悟隔幽明遽然分夢
覺三復少陵詩神交付冥漠

擬遼宮詞九首

銀鑾交爭忿未平六龍親駕復西征安邊自是男兒事枉卻
當年嫁義成

雉尾交輝寶蓋飄欣瞻御像降丹霄天王眉宇傾夷夏北極
羣靈夜夜朝

年來南北靖烽煙西夏高麗各晏然聞道中朝相司馬至尊
秘敕慎開邊

自解衣冠策晉王石劉兩主號見皇河山不改雄圖盡白髮

宮娥淚萬行

燕京容易便迎降
誤我艱難到海邦
草草束裝如夢裏
賜敘忘卻在西窗

頭魚燕罷醉顏酡
那辨夷歌與漢歌
怪道饗神仍撲馬
洛陽天子卽沙陀

南國知名花見羞
久應無復舊風流
美人自分甘黃土
誰酒徽陵飯一甌

李子纔熟穿杏衫
清和天氣像江南
記得去年今日雪
近臣煖帽侍朝參

大梁清禁隔蓬瀛
仙眷何來五國城
共矢餘年持苦行
漢宮環珮乞來生

伍瑞隆 二首

瑞隆字國開一字鐵山香山人天啟辛酉舉人除化

州學正累遷河南四國有懷仙亭草

漁洋詩話東粵詩自屈程梁陳之外又有王邦畿說
作王鳴雷震生陳子升喬生伍瑞隆鐵山數人皆有
可傳

懷仙

采石長庚客金門太歲精術甯因授得丹豈爲燒成酒氣開
雲日詩情破死生寄書曾不到誰遣鶴相迎

長洲煙雨

煙雨濛濛溪水頭長洲莫卽是瀛洲憑君爲撥羣峯看似有
玲瓏十二樓

宋璉一首

璉字林寺萊陽人舉人繼澄子崇禎己卯舉人

在梅溪故舍有感

蘆中窮士泛天涯誰向王孫進白麻孤劍常依江上草故人
應傍日南花五年關塞悲春雨一葉鄉山落暮鴉何處漂零
獨不見於今幾是魯朱家

劉湘客一首

湘客字客生富平人

過日集作
宜君人

諸生唐王立以薦授

汀州推官遷御史桂王時改編修歷中允侍讀侍讀
學士少詹事改僉都御史以事下獄尋釋免官大
兵下桂林匿賀縣山中死

田按客生名在復社

登虔州望江樓

望迷北極連西極坐看章臺卽貢臺隔岸下春燈漸出傍城
古木鳥飛迴高樓萬里三人醉叢桂雙江九月開
自知不是漢廷材

明詩紀事

貴陽陳田輯

卷一百一十五

吳惟英二首

惟英字國華蒙古人先世把都帖木兒嚮化來歸賜
姓名吳允誠以功封恭順伯允誠子克忠進爵侯數

傳至惟英襲恭順侯爵總督京營戎政有墨響齋集

靜志居詩話國華累葉珥貂風流獨擅崇禎中與羣
都尉永固並留心圖史與諸朝士極文酒燕游之樂
家有墨響齋摹拓金石文字裝池插架不泯歐薛洪
趙之富孫舍人枚采其詩入燕都游覽志甚多其後
都中大疫國華死為冥官時降於室龔尙書孝升西
侍郎潔躬每述其遺事以為可載鬼董狐
出按萬歷中武將能詩者蕭如薰杜文煥御子龍戚
繼光輩皆身歷戎行若臨淮侯李言恭則勳臣後裔

如漢之四姓小侯雍容儒雅說禮教詩國華稍晚出
衡其詩品可與臨淮抗行世傳國華死為冥官李舒
章有詩紀事云憶昔相逢金市東當場緩帶萬人中
不知青骨真如許已見民間喪火紅

集宜園

客約鄰枚侶名園許共攀
早花須著眼春酒更開顏
鳥語藏深樹雲痕斷遠山
分題期刻燭有句倩誰刪

遊李武清新園泛舟

海淀微嫌道路長背城特地又新莊
登舟我欲偕元禮選石
君宜學費皇環樹依臺渾是水繞花
沿柳半為廊莫愁酒盡
雙瓶倒村店青帘帶夕陽

張怡十首

怡一作邁初名鹿徵字瑤星上元人都督可太子以

諸生蔭錦衣衛鎮撫歷正千戶甲申後隱居攝山自

號白雲道者有古鏡菴詩內外集玉光劍氣集

方苞望溪集甲申流賊陷京師怡遇賊將不屈械繫
將肆掠其黨或義而逸之歸故里身寄攝山僧舍不
入城市鄉人稱白雲先生當是時三楚吳越耆舊多
立名義以文術相高惟吳中徐昭法宣城沈眉生躬
耕窮鄉雖賢士大夫不得見其面然尚有楮墨流傳
人間先生則躬樵汲口不言詩書學士詞人無所求
取四方冠蓋往來日至茲山而不知山中有人也
先君子與余處士公佩歲時問起居入其室架上書
數十百卷皆所著經說及論述史事請貳之弗許曰
吾以盡吾年耳已市二喪下棺則并藏焉卒年八十
有八或曰書已入藏或曰經說有貳尚存其家乾隆
三年詔修三禮求遺書其從孫某以書詣郡太守
命學官集諸生繕寫久之未就先生之書余心嚮之
終不得一寓目焉并著於篇俾後有憾發守藏而傳
布之毋使遂沈沒也
靜志居詩話山人時園中鹿亦產子因名鹿徵而
以瑤星為字崇禎間曾仕錦衣故其六十初度詩云
當年執戟侍明光親見彤雲捧玉皇也山居鈔書頗

多著述甚富予所見者僅王光劍氣集誤聞正統筆
數種而已爰造其山居見案頭有手鈔宋季張炎叔
夏詩集一卷今其遺書不可復問詩亦流傳寡矣

金陵諸園詩并序

南中人家好爲園林雖短檐茅屋室不數弓而纔有
隙地便種花竹當昔太平盛時六部曹郎於公署外
各構一園皆在長安門東一帶廣狹或殊咸極整麗
其他如中常侍之外宅僧舍之別圃諸縉紳之會館
非園而園多可遊者今皆鞠爲茂草矣其在西南者
亦與蒼海俱變言之傷心不堪著足因憶少時所曾
遊者畧述梗概以誌憑弔不能盡記也

半山園

在朝陽門北有堂三楹流水一灣發源鍾山而
繞堂下前互小山喬木數十株二三百年物也

凡園中邱壑多以人力爲之而此獨真山真水最爲勝地

疏籬曲徑隱林泉邱壑從知出自自然想見當年王介甫騎驢

裹餅到門前

小東園

先大父榮祿同野公燕居也從世雅堂右折而南亭軒三楹荆川題曰白鶴山居左曰裁雲閣

先世藏書之所叔父紫從老人寢處其下堂後曲室爲岱與仲父丹室從堂右牡丹臺旁磴而上中踞一亭亦曠亦奧則季父四阿後老人讀書於內後紫從老人盡棄所有作攜書避亂圖而出仲父丹室中懸小像來居者以爲仙翁而頂禮焉今盡荒地矣

世雅堂邊舊隱居竹房丹竈富藏書自從避亂流離後白鶴

橫空我不如

韓園

外父襄宇韓公家園在薊子巷壘石爲山中一峯高二丈餘宋諸名公題跋甚多慢滅不可辨公從

徐氏東園購之洵異物也此園後歸黃岡石公象雲

每過不勝西州之痛

如公好石真成癖纔得為園境已遷何似中山厓壑好春光

秋草自年年

裴園

家幼仁六兄裴園在鷺峯寺前洛錦塘側荒疏有致兄善畫能詩尤留意花木歲釀好酒數十瓊園

中遍種罌粟虞美人阿藍諸葛菜之屬每花開晨起取蘆荻數十管每管剪插時卉數十莖令童子持至花市上賣花市魚肉而歸客至則開家釀剪園蔬治所市物以供杯酌亦間居之樂事文人之佳話也後易主避客言念昔遊何啻太古

從來勝地須賢主太息纖兒無上賓深鎖朱門堅拒客閒庭

辜負十分春

枯園

在大功坊東巷內初仇生子得之魏國家數易主而歸周櫟園堂三楹敞而受風寬而宜月老枯兩

株亭亭直上園之得名以此中多奇石亦最奇而皆具玲瓏透露之致池水一泓朱鱗數百水閣三間可以忘暑

奇石欲下米顛拜虛館曾披宋玉風焉得從君分半榻翦蒲

種藥作園翁

齊宗侯園

齊宗侯卓吾園在南郭西天寺旁樓閣宏敞花竹蕭疏曾歸吾友姚寒玉去子松風閣一

里而近每與同人銜杯拈韻嘯傲其中

赤石磯旁榴乍吐德恩寺後杏初肥王孫公子東西去惟有

高城戀夕暉

雲乳山房

予性愛園居昔人所云志在兩株樹十莖草

次居寒山園在郭密灣內與今佟園衡宇相望也

後卜居武定橋東屋內小園日讀樂頗可晏坐而素

畏婦人聲雞犬聲婢僕詬詈市人喧鬧聲乃於橋之

極東迴光寺前得倪園而晨夕焉自滄桑後流離顛沛不得復購園居就雨花山閣為先莊節掃地焚香冀畢餘生而乙亥之夏閣前松竹盡遭斫伐觸目愴懷不堪聞見乃葺攝山之雲乳山房而投老焉此金陵第一大花園也曾徙居其中而日用不知游人涉

辛鑑卷二十六
其境而神情不屬乃以獨享為愧耳
四

園居興盡卜山居東澗中峯盡不如慚愧徵君開闢後容予

高卧理殘書

海石園

海石高二丈許徑三尺有咫在海外之廟島西山口內具四面相玲瓏透漏作雲旋文海氣所

蒸五色相宣文彩爛然先莊節治兵海上見而賞之
座客曰是屢經匠石之顧卒不可致有宋都統某留
題深以為憾先莊節笑曰物各有緣石丈人得時則
駕豈憚一行耶呼健兒舉之石果移似有神助顧自
山巔下視海面可萬丈而羸懸崖絕壁勢不能下材
官應募而出適高麗貢馬船至乃取木於山取纜於
船縛木為梯以纜繫石千人邪許層累漸下穩載入
舟先莊節喜甚舉酒酌曰子與君固有夙緣互數千
年堅卧不改今乃忻然就道耶載歸置清嘯堂前未
及暨立值先莊節公殉國事家餘四壁遂繫此園為
伏闕費園中幽房曲室最為雅觀小池迴廊不廢遊
覽子讀書其中者五年後歸陳中丞幼白而此石竟
沉埋土中不復能位置矣

海上相逢石丈人移來南郭伴松筠祇今院宇淒涼甚誰向

仙山再問津

寒山園

子內兄韓敬修手開也前臨濠水後枕平岡入門水閣三楹流水周而南竹萬竿濃陰布蔭子寢處其中者七年小樓如鳥巢據高阜上眺望極遠顏曰綠尖繫舟牆外每春水方生秋月正望臨風小泛覺玄真去人不遠

門前流水枕寒山日日身居山水間況有扁舟堪載月塞洪

橋畔赤磯灣

倪園

笑峯大師所構也時笑峯尙爲小司農在燕邸予以二百錢得之門前老屋數間右有亭三楹虛敞而窳修竹蔽天左高閣一區前望雨花後眺淮水左環千堞右繞萬竹爽目快心無過於此仍歸倪氏

野水瀾漫古寺旁四圍老樹間修篁高樓縱目渾無碍遙對

城南石子岡

劉文昭一首

文昭字雪舫宛平人新樂忠恪侯文炳弟有攬穗堂

偶存

魏禧叔子集余客秦郵劉君雪舫訪余余報謝君出其一門殉難紀畧及輩都尉城破自到事示余受而讀之拊膺泣下幾不能終篇方甲申三月之變君年才十有五歲又生長貴戚宜縱心聲色自驕倨不學問乃其所紀殉難本末於天子孝思劉氏先世所以與母若兄捐軀殉國之大節都城所以陷敗雖倉皇急遽中一言一事莫不條理委悉使讀者如目見耳聞而悲憤感激勃然作其忠義之氣君好學工書其入燕游草悲涼抗壯不忍多讀阮學葵茶餘客話劉雪舫新樂侯文炳弟侯闔門殉難雪舫年十五逃回海州故里變姓名至淮居珠柵吳蒿三瑞物色之贈詩云王孫徒寂寞芳草自萋萋故苑游麋鹿滄江祇鼓琴人情隨世變風氣逐年低念子疑神久微陽河共攜

清河夜泊

孤舟離緒又清明一挂蒲帆千里程去住向誰商出處飄零
到我負平生雲連海氣天無色風鼓河流夜有聲襍被春寒
眠不穩悵然雙淚落三更

祁班孫四首

班孫字奕喜紹興山陰人都御史彪佳子祝髮爲僧
有紫芝軒稿二卷

鮑琦亭集祁公子者忠敏第二子也初忠敏夫人商
氏嘗夢老衲入室生公子美姿容白如瓠而雙足重
趺頗惡劣日地行數百里忠敏死未二旬東西兵起
祁氏羣從之長曰鴻孫者故嘗與忠敏同講學於蕺
山至是將兵江上思以中忠敏之志而公子兄弟
家餉之祁氏自夷度先生以來藏書甲於大江以南
其諸子尤豪喜結客講求食經四方簪履望以爲膏
粱之極選不脛而集及公子兄弟自以故國之裔木
而屠沽市販慌亦兼收並蓄家居山陰之梅墅其園
亭在寓山柳車踵至登其堂複壁大隧莫能詰也慈

谿魏布衣耕者狂走四方思得一當以爲毫社之桑
 榆公子兄弟則與之誓天稱莫逆魏耕之談兵也有
 奇癖非酒不甘非妓不飲禮法之士莫許也公子兄
 弟獨以忠義故曲奉之時其至則盛陳越酒呼若耶
 谿娃以薦之又發淡生堂士遁劍術之書以示之又
 徧約同里諸遺民如朱士稚張宗觀輩以疏附之王
 寅或告變於浙之幕府刊章四道捕魏耕有首者曰
 茗上乃其婦家而山陰之梅墅乃其死友所嘯聚大
 帥亟發兵果得之縛公子兄弟去既讞兄弟爭承祁
 氏之客謀曰二人并命不更慘歟乃納賄而宥其兄
 理孫公子遣戍遼左其後理孫竟以痛弟鬱鬱而死
 而祁氏爲之衰破然君子則曰是固忠敏之子也祝
 髮於吳之堯峯尋主毗陵馬鞍山寺所稱祝林明大
 師者也
 田按奕喜早矜豪侈晚遁置畧未忘既死之灰復誓
 揮戈之勇君子哀其志焉其詩哀豔動人情不盡令
 轍

有懷

春晚愁珠閣妝成卻翠屏振珂風寂寂捲幔瑟泠泠玉塞憑

高望金鴻入夜聽迴環依碧月飄蓬感流星庭北花全落城
南柳半冥王孫衣欲換過客馬初停句驪河邊渡道陽郭外
經孰憐三月路草色未知青

同楊生聽琵琶女侑酒帳中女故客維揚與楊頗舊

層蘇帳中留醉客紅爐炙火霜初白好聽絃上奏琵琶莫向
風前吹盛粟琵琶欲轉夜鶉驚絃撥涼州指再停絃愁青海
今宵月指憶紅樓舊日情紅樓承寵人爭羨千金每買華堂
宴五夜明珠照不歸七香寶輦邀曾見會惜春城春晝長
鶯飛燕斷人腸葡萄北苑初裁錦翡翠南洲就點妝妝罷還
曾催上馬經過更出章臺下帳底流蘇笑暗窺枕上珊瑚
獨把自信容光不讓人可憐意氣劇相親天桃猶煖城邊日

青冢空回冢上春
春日秋風當此夕
羞將玉面逢人出
千古繁華妾已忘
一時歌吹君能憶
曲罷星疏虜酒寒
明朝馬上引人看
已令胡女無顏色
何須更奪燕支山

送王雙白侯記原渡西陵作

江亭樽酒暫淹留
惆悵行旌促遠遊
三月飛花懷故里
一帆寒雨送歸舟
青山過處同爲客
尺素來時獨倚樓
最是月明無近遠
徘徊搔首望南州

少年行

素袍逢月白
寶劍入秋寒
近聞灌夫死
不敢上長安

劉孔和九首

孔和字節之
長山人
大學士
鴻訓子
有日損堂詩集

池北偶談劉孔和王遵坦二人皆負氣跡地相交善
王居桑谷劉居長白皆有林泉之美崇禎間見天下
將亂散財結客甲申歲孔和殺闖賊偽令率精騎萬
人南赴金陵至淮陰以兵屬劉澤清精與孔和素交
好時爲藩鎮貴重無比然好爲詩一日大會將吏廣
坐朗吟賓佐交口譽之孔和仰視獨無語強問之曰
公誠名將才然此事定復不急澤清怒罷酒賓客皆
惶懼失次孔和傲然而出澤清益怒遣人追及舟中
拉殺之已而金陵以爲副總兵官則孔和死數日矣
嘗有贈王詩云都無殺者黃江夏豈有食之嚴鄭公
後竟死澤清手與黃祖事絕類云
漁洋詩話劉孔和爲詩豪邁雄放有東坡放翁之風
一代奇才也
靜志居詩話節之詩好排硬語大約以孟郊邵謁爲
宗
田按節之人奇詩奇死於悍將之手傳其遺事千載
猶有生氣

雜諷三首

少陵詩竭情右軍書趁媚譬如今雅琴乃是古鄭衛軒燧久

不作紛紛弄文筆此語固頗高何以處衰季多巧傷元化僞
古愈堪畏強擬皇娥篇勦取峒嶼字不如求真至辛澹皆可
味

世談神仙事往往慚未安捫日求盤燭疑信良皆難此道貴
艱苦挽舟上急湍火以藏深遲冰以埋陰存但恨庸妄輩前
匄求崑崙何物覆哥籍累累日以繁吾儒匪相賤所以尊乾
坤乾坤籙元化豈開大盜門

松柏堅而壽巖石靜而完熊經能自引龜息無所餐方之彼
仙人當作如是觀松伐石且斲熊烹龜亦鑽千秋消盪盡神
氣何棲蟠淮南叛諸侯趙高賊宦官神仙固有此何足容褒
彈因之謝來學甚勿食馬肝

送長兄之金陵

豈復雲山意干戈滿吳會況予強卧時空憶天涯外一別離
菊前露下浩不收秋冬難爲懷何以行扁舟汴路旣零落白
門復蕭索欲賦哀江南遙遙不可得故宮蔓寒蕪豆紆想崩
壞惟有孝陵樹重涕堪再拜江氣日夜發腹臆阻春煙念之
何時歸歲暮當來還

題凌五雲畫冊

霜翎蠹葉關幽細十幅秋光意亦遐蜂抱花鬚驚鳥見藤牽
石骨得苔遮一枝不奈成悽斷數點無因想淡嘉折作屏風
剛數曲自支寒枕看橫斜

長兄齋中蜀海棠一木姿態甚殊便使同作

金谷園中謬作家，碧雞坊裏厭繁華。
魂銷深院霏微雨，光散晴窗旖旎霞。
輕翠數抽依榦葉，新紅百浣裹枝花。
遙知澹思經營際，已許寵詩著絳紗。

過訪幼量書圃二首

堦前修竹綠成林，侍子清朝拊素琴。
聽盡明光三十段，碧池涼雨一時深。

石紋苔色上窗紗，綠茗初煎更煮芽。
遲日園林花氣合，十分鶯蝶在人家。

題趙吳興調琴啜茗圖

秋宮肅肅古衣裳，靜女無愁黛亦蒼。
不點疏螢和月色，綳頭已作百年涼。

茅元儀二首

元儀字止生歸安人崇禎初以薦授翰林待詔尋參
孫承宗軍改授副總兵官守覺華島兵譚論戎有賞
心集八卷渝水集六卷西崦集三卷江春集二十卷
橫塘集十卷又峴集五卷在禁詩一卷山草二卷

茅元儀暇老齋筆記石室老人以書法畫竹山谷老
人以畫竹法作書然不開破三昧或曰畫竹幹如篆
枝如草葉如真節如隸余以爲枝如草其意尙在影
響間節如隸不如葉如隸也我嘗有詩曰八分爲葉
篆爲枝然恐得其形似而未得其用筆又曰葉如蟹
足折欹枝篆之一語古人曾云其三者則余直揭破
秘密藏矣
列朝詩集止生好譚兵通知古今用兵方略及九邊
阨塞要害口陳手書歷歷如指掌東事急募古人毀
家紆難慨然欲以有爲高陽公督師以書生辟募僚
與策兵事皆得要領嘗出塞相視紅螺山七日不火
食從人皆無人色止生自如也高陽謝事止生亦罷

歸先帝卽位經進武備志命待詔翰林又以人言罷
己已之役高陽再出視師半夜一紙催出東便門僅
隨二十四騎止生腰刀匹馬以從四城旣復牒授副
總兵治舟師略東江旋以兵譁下獄遣戍漳浦東事
益急再請募死士勤王權臣惡之勒還不許蚤夜呼
憤縱酒而卒止生爲詩文才氣遙涌搖筆數千言倚
待立就而其大志之所存則在乎籌進取論匡復畫
地聚米決策制勝集中連篇累牘洒江傾海皆是物
也

紅心道中

十載驅馳地戎衣眾駭看邨人識舊僕塞馬怯新湍山遠迎
雲易原平落日難何時酬聖主殘卷石牀攤

潞河與受之侍郎別次見贈韻

崩岸驚濤不可聞新湍陡處手初分共聽夜雨還傷我獨趁
秋風卻羨君東閣祇贏鈔秘本北山重補耒耕雲明朝淚落

蘆溝上也解隨流逐衛濱

常延齡一首

延齡字喬若應天人開平王巡春裔孫襲爵懷遠侯
國變後爲僧號蒼谷居湖熟村種菜以老

帝里明代人文略喬若襲封懷遠侯在京奉朝請遇
事敢言疏凡十二上洞切時弊上鑑其忠深眷注之
嘗請巨璫王民籍產命給之蓋異數也時科臣姜埰
熊應霖劾首輔上怒御門命旗衛縛二臣詔獄拷訊
喬若疏請開釋而以文彥博救唐介爲輔臣勸朝論
避之宏光初姦相馬士英引起元逆阮大鍼喬若露
章糾劾未幾挂冠去爲僧號蒼谷淮園自給其沒無
以歛友人白生胡生醺金葬之
田按喬若國變後居金陵城東湖熟村種菜自給錢
飲光湖熟種菜歌云金陵城東湖熟村中有隱者開
平孫通侯甲第今已矣意氣豪華無復存開平去今
凡幾載五王之後惟君在往昔爭言青門瓜如今獨
數湖熟菜紀其事也

楊州

傷心幕府夕陽開往事江南不盡哀
飲羽共憐黃闥子空拳
猶奮乙邦才誰知閭禍流無盡已
去天心挽不來宰相尙留
乾淨土北風吹裂舊旗臺

胡長庚一首

長庚字星卿應天人駙馬東川侯胡觀裔孫

金陵詩徵星卿以爵讓弟居馴象門外守南康公主
園寢賣藥以終
田接錢飲光胡星卿茅屋歌云白鷺洲接大江濱牧
馬兒來動成羣先生避世何處去合家住近公主墳
茅屋三間倚填脚門戶欹斜草繩縛簾外時聞樵婦
喧樹下每有漁船泊先生田無一石租糊口祇賴青
囊書春深婦子競鉏菜水落弟兄公義魚刑孟貞贈
胡處士星卿詩云榮榮畦中蔬嫋嫋門前柳哇以木
槿藩門用桑樹紐中有避世人言是東陵後多年不
入城一卷常在手可想見星卿清節也

揚州

一片陰寒晝不開
笳聲淒絕角聲哀
文山自正千秋氣
諸葛空思十倍才
颯颯朔風吹淚落
沈沈西日送愁來
大招欲賦天難問
瓦礫拋殘上將臺

陳震一首

震字東卿益陽人崇禎中武舉人

山居暮春

雨後薜蘿綠漸生
羅衣初試覺身輕
夜來春色撩人思
開盡梨花月正明

余杰六首

杰字生生號鈍丁青神人崇禎時以蔭官錦衣千戶

有增益軒集

鮎琦亭集鄧之西湖以賀祕監嘗游息於此故有小
鑑湖之日借樓者故錦衣青神余君生之寓寮
也生自蜀而徙燕非一世矣生以後以尚書恩世襲錦
衣其自蜀而徙燕非一世矣生以後以尚書恩世襲錦
科進取故錦衣之官雖上而末任已而國亡謀結動
衛子弟兵以殺流賊不克逃至江南參入軍事又不
濟始來鄧其時鄧之世家子弟喪職者多乃相與悲
歌叱咤更唱迭和無虛日儼居湖上有七子詩社而
生生最長社中奉為祭酒嘗曰吾敢謂此間樂不思
蜀耶爰署其居曰借檻樓諸公在湖上陸披雲有觀
日堂宗正菴有南軒陸雪樵有歲寒館生生之樓皆
與相望詩箋往復所夕旁午蓋居樓中者二十年
蜀詩崇禎末張獻忠據蜀鈍廠避亂江東賣古文詩
字自給不喜入權貴人門權貴人即求其片言隻字
亦不可得平生一冠破不復補人號三頂折角巾鈍
厂與趙民服周蓼恤也康熙時過江卒於瓊花觀時
年七十九

獨酌

友人惠我酒竟日延清歡閉戶無人來好鳥伴我閒初旭升
竹林小窗明可觀興來聊復酌藉影相盤桓幽寂性所好瓶
中香未殘卽此無拘束境靜神亦安

卜居

臥隱仍無定途窮數卜莊有家何日到老病滯瀟湘道遠音
書少秋深客夢長桃源今有路恣意樂他鄉

元日遊石鐘山卽事

上日淹留客登臨興幾長無人覺來往半晌對湖光煙際雲
相接匡廬屬渺茫浦中帆片片望裏應春陽

過吳門客舍爲梅花作主人酒間得三絕句

市上何人識放侯青鞋卓帽稱心遊相逢白頭留詩別細雨

孤帆下虎邱

遊歸見說爲梅花鄧尉風光滿眼誇我夢相逐便東去一天
花壓帽檐斜

花時歸客怕花殘烽火漫漫道路難斷送東風多少恨憑誰
留寄一枝首

官舍

歲幾瑣下雙青銅盡日無人官舍中花落花開春已晚流鶯
嘯過女牆東

陳斌一首

斌號鯉叟江甯人明末總兵官有蘆簾集

田按鯉叟以徵兵至溟沙定洲之變阻不得歸流寓
蒙化錦溪築室植蘆匾曰蘆隱與雞足山無住禪師

贈范泰符

遊結青蘆渚社有青蘆辭云我惟非癖愛蘆荻趣在
蒼蒼天一色曉曳詞筆奇突胸次蘼酒嘗著影問云
余素性賞山水遇危泉峭澗則窺影自呼云爾誰氏
子來向水中遊影不答相矚久之風驟響林木震動
水波疊興影隨動其間短竹拳松拂陰翠錯異之曰
霜棱捲碧醉墨堆煙爾影欲索我詩乎於是倒杖燕
綠丹諭峭石枯苔儘意縱寫隨卽乾去又至蕭寺敗
案積塵堅塵尾作字曰淺莎浮白老檜翻青鸚鵡不
來芭蕉常寂可以見其興趣矣賞荷詩云荷盤捲露
霜棱綠奇字銷銷灑瓊竹是昌谷得意語惜不多見

范子草樓纏竹木我來題作古農家騎牛葉落一身雨問水
風吹滿笠花